

sal Stein vnd Medicin geschrieben/ einen
andern vnd bessern Grundt gesehen / vnd
Gefunden/ vnd doch noch nit verstanden :
Aber also bald den doch eine solche innigliche
anmuhung darzu gewonnen/ daß ich
mir gänzlich fürgenommen nicht zuerster-
ben/ vnd meinen Kopff nicht sanfft zulegen/
biß ich solchen Universal Stein sampt der
Thewren Himmlischen Medicin erlangte.
Diesem Studio aber damals nachzusetzen/
weil ich zu Arm/ von meinen Eltern keine
Impensas, viel weniger vñ andern Sumtus
vnd promotiones darzu haben mögē (weil
dieses Studii promotores damals noch we-
nig Fürsten vnd Herren waren/) hab ich
solches wider meinen willen müssen lassen
fahren / da ich doch ein solche Lieb darzuge-
tragē/ daß ich viel Monat nit dafür schlaf-
fen können. Auch endlich Anno 90. Vom
Teufel vñ seinen Schüppen/ in groß Elend
Unfall vñ Kranckheit/ gestürzet worden/
Vñ da mir Gott gnedig darauß geholffen/
vnd man meinen todt lieber gesehen dann
mein leben / darauff von dem meinigen auß
Armuth halben / wieder meinen Willen
in den Mercenariat angehalten vnd ge-

* iij